

## Қадыр Мырзалиев

### «Аралым»

Шалқыған теңіз,  
Толқыған теңіз,  
Көгілдір көк айдыным, көк айдыным.  
Биікте жүрген,  
Бұлттарды сүзген,  
Бұрынғы жоқ айбының, жоқ айбының.  
Аққу арман,  
Күтемін алдан  
Сағынып қанат қаға ма?  
Толқыны тулап,  
Шағала шулап,  
Толар ма ауыл жағаға?  
Арал, сен туралы айтам ән,  
Арал, ақ айдыным аңсаған.  
Арал, оралсаңшы қайтадан!  
Арал!  
Қарайған жерге,  
Қуанған шөлге  
Телміріп күн қарайды, күн қарайды.  
Көк дауыл жеккен,  
Кемелер шөккен  
Жағада құм борайды, құм борайды.  
Аққу арман,  
Күтемін алдан  
Сағынып қанат қаға ма?  
Толқыны тулап,  
Шағала шулап,  
Толар ма ауыл жағаға?  
Арал, сен туралы айтам ән,  
Арал, ақ айдыным аңсаған.  
Арал, оралсаңшы қайтадан!  
Арал!